

KALAALLIT NUNAANNI TIMERSORNEQ



.....

Kalaallit Nunaanni timersornermik misissuinermi
pingaarnersiukkat inassuteqaataasullu

Idrættens Analyseinstitut-imit Kalaallit Nunaanni Timersoqatigiit Kattuffiat sullillugu suliarineqartut

KALAALLIT NUNAANNI TIMERSORNEQ

– Kalaallit Nunaanni timersornermik misissuinermit pingaarnersiukkat inassuteqaataasullu.

Idrættens Analyseinstitut-imit Kalaallit Nunaanni Timersoqatigiit Kattuffiat suliiullugu suliarineqartut.

Atuagassiaq suliarineqarpoq Trygve Laub Asserhøj-imit aamma Peter Forsberg-imit, Idrættens Analyseinstitut-imeersunit, aallaavigalugu nalunaarusiaq 'Idræt i Grønland – status, udfordringer og udviklingspotentialer'.

Saqqummiussisoq: Idrættens Analyseinstitut 2015

Assitaliussat: Trygve Laub Asserhøj aamma GIF

Ilusilersuisoq: Anne von Holck, Tegnestuen Trojka

Suliarititsisoq: Kalaallit Nunaanni Timersoqatigiit

Kattuffiat (GIF)

ISBN: 978-87-93375-16-1

ISBN: 978-87-93375-17-8 (elektronisk)

Idrættens Analyseinstitut tassaavoq qallunaat kulturministeriaqarfiata ataani imminut pigaluni ingerlatsiviusoq. Suliarisassaí tassaapput erseqqisassallugu inuiaqatigiinnik aallaaveqartumik timersornerup ataani maannarpiaq inissisimaneq. Saniatigullu ingerlatsiviup nalilersugassarivai timersorneq pillugu politikkimmit aallartinneqartut periarfissiineri kingunerisinnaasaalu aammalu sulinermikutt sammineqartut iluini apeqqutaasinnaasut pillugit kikkut tamarmik oqallinnermi peqataalersinnissaat.

Annertunerusumik atuakkitt www.idan.dk –mi takuneqarsinnaasut.



Kalaallit Nunaanni innuttaasut akornanni qassit timersornermik aallutaqartuuppat?

Timersortartut peqatigiiffiisa unammiugassat suut aqqusaartugarivaat?

Suut atortut kissaatiginartinneqarnerpaappat?

Timersorneq Kalaallit Nunaanni qanoq pitsaasumik ineriartortinneqarsinnaava?

Kalaallit Nunaanni timersornermut atatillugu unamminartut amerlaqaat. Taakkulu annikilliartunngillat takugaanni timersoqatigiit peqatigiiffiini ilaasortaasut ikiliartortut, nunami innuttaasut ikiliartortut, utoqqaat amerliartortut peqqinnerullu iluani unammiugassat nalinginnaasut annertusiartortut.

Timersorneq sammivippassuarnut pitsaasumik sunniuteqarnissamut ammaassisarpoq. Kisiannili periarfissiissutaasut ineriartorninngortinneqassappata, taava killiffiit pisariaqartinneqartullu suusut ilisi-maariineqarlunnartariaqarput soorunalumi aamma timersornermik ingerlatsisut tungaannit sulerulunneq ingerlaneqartariaqarluni.

Tamakku tunngavigalugit Kalaallit Nunaanni Timersoqatigiit Kattuffiata (GIF) Idrættens Analyseinstitut qinnuvigisimavaa timersorneq pillugu annertujaamik misissueqqullugu naleqqussagaasumik saniatigut pilersaarusiornerit ingerlanneqalersinnaalersikkumallugit.

Naqitanngorlugu atuagassiap imarivai angusat pingaarnersiukkat aammalu Kalaallit Nunaanni timersornermik misissuinermit inassusiaasut, taamatullu suliat una siullersarivaat. 2015-imi misissuinermik ingerlatsisuuvoq Idrættens Analyseinstitut. Tamakkiisumik misissuinermit nalunaarusiaasoq 'Idræt i Grønland – status, udfordringer og udviklingspotentialer' www.idan.dk. Aqqutigalugu akeqanngitsumik aaneqarsinnaavoq.

Misissuinermi paasisat

Timersornermi periarfissat/ atorneqarsinnaasut nunap assinganut inississorneri

Kalaallit Nunaanni timersornermi periarfissiissutit qarasaasiamut katersorneqarnikuupput illut normuisa nalunaarsorneqarsimani tunngavigalugit, kommuunit pilersaarussiaat aammalu kommunini piorsarsimassutsimut sunngiffimmi sammissasaqartitsinermut suliaqartuusunik/siunnersortinik apersuinerit tunngavigalugit.

Peqatigiiffinnik misissuinerit

GIF-ip ataani peqatigiiffinnut tamanut apeqqutinik nassiussuisoqarpoq taakkunanilu 66-init akissutinik pissarsisoqarluni. Taakku saniatigut nuna tamakkerlugu peqatigiiffinnut sinniisaasut 25-it oqaloqatigineqarlutik apersoneqarput.

Timersornermik aallaaveqartumik ileqqusunik misissuinerit

Innuttaasut akornanni timersornermut attuumasuteqartumik ileqqunik misissuineq apersuinikkut tunuliaqutaasunillu misissuinikkut aammalu illoqarfinni meeqqanut 4. klassiniit 10. klassini atuartunut apeqqutinik nassiussuinikkut (akissutillu 378-it tassuuna pissarsiarineqarput) aammalu inersimasut 16-it qaangerlugit ukiullit siammasissumik toqqartuilluni apeqqutinik nassiussisiviginerisigut (tassanilu 863-it akisimallutik) ingerlanneqarpoq.



Tunuliaqutaasut

Kalaallit Nunaanni timersorneq pingortitatulli ippoq. Periarfissalerujussuuvog nunamili imaannaangitso-rujussuusumi.

Timersortartut peqatigiiffii Immineq piumassutsimik ingerlanneqartut timersornermi qitiusorujussuarmik inis-sisimapput annertuumillu meeqqanik inuusuttunillu sam-misaqartitsisuullutik. 2014-imi GIF 10.000-inik timersorner-mik aallutaqartunik ilaasortaqaarsimavoq, taakku akornanni 0-imiit 18-inut ukioqartut affarisimallugit. Isikkamik arsar-neq aammalu assammik arsarneq peqatigiiffiit akornanni sammineqarner-paapput.

GIF ataanilu specialforbundet, utoqqaat peqatigiiffii allallu timersortartut peqatigiiffii specialforbund-eqanngitsut assigiinngitsunik pisortanit tapiiffigineqartarput.


2014-imi pisortat aningaasaateqarfiinit 88,5 mio. kr.-nit miss. timersornermut sammisunut tunniunneqarsimapput:

GIF-ip specialforbund-iisa ataanni aallussillutik peqataasut

- 7,8 mio. kr. miss. Aningaasanut Inatsit aqutugalugu GIF/ Elite Sport Greenland-imut
- 15,8 mio. kr. miss. Kalaallit Nunaata tips- aamma lotto-rnermit Dansk Spil A/S-imit GIF/Elite Sport Greenland-imut nakkarsimallutik
- 64,8 mio. kr. miss. kommuuninit pissarsiarine-qarsimallutik

GIF aamma Elite Sport Greenland-imit aningaasat pissar-siaasut amerlanersaat specialforbundinut agguanne-qaqqittarput. Kommuuniniit aningaasaliissutit sumiiffinni peqatigiiffinnut tunniunneqartarput taakku angalanissaan-nut unammisarfiit ingerlanerirut atugassanngorlugit (taak-kunaniillu aningaasaliissutit ikinnerusut sanaartukkatut ingerlatanut allanut, soorlu katersortarfinnut tapiissutitit tunniunneqartarput).

Taaneqartut saniatigut Aningaasanut Inatsikkut Kom-muneqarfik Sermersooq-llu Nuummi Martsip qaammataani Arctic Winter Games-ernissamat immikkut ittumik aningaa-saliisoqarpoq (45 mio. kr.-nit miss. 2012-imiit 2016-imut).




Timersorfiusinnaasutut pigineqartut

Timersorfiusinnaasunik nunap assinganut inississuinnermi takuneqarsinnaavoq, nunaqarfiit illoqarfiillu kommunini sisamaasuni neqeroortugisinnaasaat assigiinngisitaartorujussuusut. Sanaartukkatigut pigisat aserfallatsaalineqarnerat qanoq issusiilu misissuinnermi immikkuullarissumik nalilersuiffigineqanngillat, kisananili nammineq takunninnerit oqaloqatigiinninnerillu tunngavigalugit sammineqarlutik, aammalu tassani assigiinngissutsit annertupput.

- Illoqarfinni timersorfiusinnaasut eqaarsaartarfiillu illoqarfinni tamani pigineqarput nunaqarfiillu ilaanni aamma pigineqarlutik. Katillugit pigineqarput illoqsuit timersortarfiit 19-it (assammik arsarfiusinnaasut) aammalu eqaarsaartarfiit tamakkiisumik 25-it.
- Timersortarfissuarni amerlasuuni timigissartatarfeqaatigivoq allatullu sammisaqarfiusinnaasunik initaqarluni, akiliinikkut atorineqarsinnaasunik. Taamatut ittut katillutik 13-iupput taakku amerlanersaat Qaasuitsup Kommunianiillutik. Taaneqartut saniasigut timigissartarfiit angisuut 4-at piupput, ilitsersuisoqarluni sungiusarfigineqarsinnaasut – taakkunannga 3-t Nuummiillutik
- Kalaallit Nunaanni sumiiffinni pingasuni naluttoqarsinnaavoq – Kangerlussuarmi, Sisimiuni Nuummilu.
- Ivigaasanik qallikkatut arsaattarfiit Kalaallit Nunaanni takussaajartorput. Taamaattut minnerusut nassaassaapput Maniitsumi, Nuummi, Paamiuni Qaqortumilu.
- Kalaallit Nunaanni sumiiffinni arfinilinni sisorartunut majuartateqarpoq sisupiloorfissaqarlunilu, sumiiffiilli ilaanni aserfallatsaalineq amigaa-taavoq taamaammallu atortut ilaat atorineqaratik uninngaannarlutik.

- Illoqarfinni nunaqarfinnilu amerlanerni annerusunik minnerusunilluunniit sioqqanik qallikkanik isikkamik arsaaffissaqarpoq. Taakkuli ilaat inissiivinnartut igittassanillu ilioraavittut taamaallaat atorineqarput aammalu sialloraangat tasinngortanngortarlutik apummik qalligaanngikkaangamik.
- Kiisalu Nuummi immikkuullarissunik periarfissaqartit-sisoqarpoq, golf-ertarfeqarluni, multibane-qarluni skate-ertarfeqarlunilu (taamaattorlu aamma Sisimiuni ippoq).



Timersoqatigiit peqatigiiffii


2014-imi kingullermik misissuilluni naatsorsuinermi Kalaallit Nunaanni Timersoqatigiit Kattuffiani peqatigiiffiit 131-it ilaasortaapput taakkunanga 9-t specialforbund-iullutik, utoqqaat peqatigiiffii ilaallutik aammalu timersorsoqatigiit peqatigiiffii specialforbund-it ataanniingitsut ilaallutik. Kattuffiup oqaatigisai tunngavigalugit peqatigiiffiit ilarpaalussuisa puigortarpaat nalunaarsor-neqarnissartik aammalu namminneq ilaasortaminnik nalunaarsuinissartik.

Peqatigiiffinnik misissuinerup takutipppaa, peqatigiiffiit nalinginnaasumik isigalugu 55-inik ilaasortaqqartartut

5-6-inillu sunigusaasoqartartut kiisalu nammineq kajumissutsiminnik sulisunik 4-5-inik ikiorteqqartartut.

Suiaassuseq aallaavigalugu ilaasortat naatsorsoraanni equnganeq annertuvoq. Tassami ilaasortat tamakkiisut agguaqatigiissillugit pingajorarterutaannaat niviar-siaraallutiillunniit arnaasarput, aamma immineq kajumis-sutsimik suleqataasut eqqarsaatigalugit:

- Ilaasortat 55-it akornani peqatigiiffinni nalinginnaane-rusumik 20-it niviar-siaraallutiillunniit arnaasarput.
- Nammineq piumassutsiminnik sungiusaasuusut 10-ugaangata taakkunanga nalinginnaasumik arnat 3-usarput.



Timersorfiusinnaasut namminerlu kajumissutsiminnik ikiuuttartut nammattut tassaapput peqatigiiffiit ernumassutiginerpaasaat

Peqatigiiffiit sisamaagaangata pingasut misissuinermi oqarput siammasissumik isigalugu siunissaq qaamasutut isigalugu. Kisiannili siulittaasuusut aperinerini ernumassutinik uteqqiasoqarpoq. Makkulu tasaanerupput uteqqiasutut taaneqartut:

1. Periarfissanik pitsaasunik atugassaqartinneqarneq
2. Nammineq piumassutsiminnik ikiuuttussanik pissaqarniarneq
3. Aningaasaqarnikkut naammattumik tunngaveqarsinnaaneq

Imatut tupaallannartortaqaangilaq, peqatigiiffinnit qulani taaneqartut saqqumilaanerummata. Peqatigiiffiimmi pisariaqartittuartaat tunniusimallutik nammineq piumassutsiminnik ikiuukkumasartut, pisussanik aaqquisuinnaasut aammalu peqatigiiffiit aallutatik ingerlasinnaassagunikkut pisariaqartippaat naapertuuttunik ingerltsivissaqarnissartik. Taamaattumik peqatigiiffinnit ernumassuteqarnermi salliutinneqartut tassaapput periarfissat naammattut piginissaat aammalu nammineq piumassutsiminnik ikiuuttussanik naammattunik pissaqarnissaq.

Kalaallit Nunaanni unammiugassat immikkuullarinnerusut

Naak peqatigiiffiit ernumassutigisaat tamanut atuuttuunerugaluartut aamma nunanut allanut sanilliussigaanni, taava Kalaallit Nunaanni pissutsit immikkuullarissuunerat peqatigiiffippaalunnet unammiornartunik imaqartipput:

- Peqatigiiffiit tamangajammik kissaatigivaat timersortarfiusinnaasut init angisuut illup iluani sam-misaqarnissamut periarfissiisut. Minnerunngitsumik isikkamik arsartartorpassuit inersuarnik inutulutik atuisuupput nunanut allanut sanilliussigaanni, tamakkumi silaannarmi periarfissagissaarnerullutik atuinerummata.
 - Peqatigiiffiit quliugaangata arfineq-pingasut illorsuarni periarfissat atortarpaat taakkulu affangajasa oqaatigivaat sumiiffimminni periarfissiissut-asut annikippallaartut.
- Peqatigiiffippassuit tikkuarpaat Kalaallit Nunaanni nammineq piumassutsiminnik suleqataarusuttunik pissarsiortarneq tigumminniinnarsinnaanerlu pikkorissarnissamik neqeroorutissaaleqinermik aporfissinneqartartut.
 - Peqatigiiffiit tamangajammik oqariartuuteqarput, nammineq piumassutsiminnik ikiuuttortatik pikkorissarusuttartut, taamaallaalli peqatigiiffiit pingajuarterutaat isumaqarput, naleqquttumik pikkorissaanissamut ilinniartitsinisamullu neqeroorutissaqartartoq.
- Kalaallit Nunaanni angalaneq akisoqaaq taamaattumillu peqatigiiffippassuarnut unammiornartuuvooq unammineri peqataaniarluni aningaasartuutissanut matussutissanik qaqitsiniartarneq, taamammi ilionis-saq peqataatitsissagaanni pisariaqartarmat (soorlu GM-ernerit eqqarsaatigalugit).
 - Peqatigiiffiit angalanernik naammattunik periarfissaqarlutik unammiortortitsisartut, nalinginnaasumik 100.000 koruunit pallillugit pinerit tanmaasa aningaasartuuteqartarput taakkulu 78%-ii isumaqarput ukiuni kingullerni tallimani matussutis-sanik qaqitsiniartarneq ajornarsiartuinnarsimasoq.

Peqatigiiffiit akornanni suleqatigiinnikkut ajornartorsiuteqarneq

Peqatigiiffinnik misissuinermit erseerluarpoq, peqatigiiffiit akornanni suleqatigiinniarneq ajornartorsiutaasoq:


- Timersortartut peqatigiiffiisa akunnerminni suleqatigiittarnerat kommunimik suleqateqarnermut sanilliullugu pitsaannginneruvoq.
- Illut iluini periarfissanik agguasinerit peqatigiiffiit akornanni aporaaffissiisinnaasarput.
- Inuttarsiuilluni ajornartorsiutit suleqatigiinnissamik akornusersuillutillu aseruisinnaasarput.

Kommuni tassaaneruvoq timersortartut kattuffiisa pitsaanerpaamik suleqatigisagaat. Peqatigiiffiit 84%-ii misissuinermit kommunimik suleqateqarneq taavaat ajunngitsutut nalilerlugu. Peqatigiiffiilli 45%-iinnai nunaqarfimmi/illoqarfimmi najugaqarfigisaminni peqatigiiffinnik allanik naammaginartumik suleqateqarput – taakunanngalu 8%-iinnaat utoqqatsissutigisinnaavaat sumiiffimmi kisimik peqatigiiffiunertik.

Kommunimik peqatigiiffinnilluunniit allanik suleqateqar-nissaq peqatigiiffiit ilaanut ajornarnerulersinneqartarpoq, timersortarfissuarni ingerlatsinissamut periarfissiinerit agguaanniarneqaleraangata. Taaneqartumut atatillugu peqatigiiffiit affaasa missingi kisimik ajunngitsumik suleqatigiinneqartoq unnerpaat.

Peqatigiiffiit sinnerlugit apersorneqartut arlaqartut taavaat, siusinnerusukkut aporaassimanerit aammalu inuit ataasiakkaat aaqqiagiinngissuteqartarsimanerit sumiiffinni aaliangersimasuni peqatigiiffiit suleqatigiinniarnerannut ajornartorsiortitsisimasut. Tamanna immikkut ajornartorsiutaavoq unamminartoq, eqqarsaatigigaanni illoqarfimmi nunaqarfimmi peqatigiiffiit suleqatigisinnaasat ikittuinnaanerit. Taamak pisoqarnera naggataatigut ilaasortat periarfissaannik killilersuilersinnaasarpoq aammalu sammisaqartitsisinnaanerit nutaat aallartinneqarsinnaanerit eqqarsaatigalugit.

- Suleqatigiinneq pitsaaqaaq
- Suleqatigiinneq ajunngilaq
- Suleqatigiinneq ajorpoq
- Suleqatigiinngilagut



Timersorneq aallaavigalugu nammineq piumassutsimik tunniusimallutik aalaakkaasumik suleqataasut 1.300-niit 1.600-nut amerlassuseqarput

Peqatigiiffinni nammineq piumassutsiminnik suleqataasut misissuinerup immikkut sammineqarput. Taakku kittoqqaarissumik isigalugu marlungorlugit avinneqarsinnaapput:

- Aalaakkaasumik suleqataasut sungiusaasullu, ulluinarni peqatigiiffiup ingerlaneranut aaqqissuussisarnanullu akuliusimasut.
- Ilaatiguunerusoq suleqataasartut, immikkut aaqqissuussanik ingerlatsisoqartillugu ikiuuttartut

Tamakkiisumik isigalugu timersoqatigiit peqatigiiffiini nammineq piumassutsiminnik aalaakkaasumik sulisartut amerlasoorujussuunngillat. Timersornermut atatillugu misissuinerup takuneqarsinnaavoq inersimasut tamarmiusut


akornanni 4%-imiittoq, peqatigiiffimmi aalaakkaasumik ikiuuttartut sungiusaasartullu eqqarsaatigalugit. Tamanna naapertuuppasippoq misissuinerup takutitaanut, tassalu Kalaallit Nunaanni agguaqatigiissitsinermi peqatigiiffinni nalinginnaasumik nammineq piumassutsiminnik ikiuuttartut 10-usartut. Katiilluni naliliinermi tassa oqartoqarsinnaavoq Kalaallit Nunaanni timersoqatigiit peqatigiiffiini tamakkiisumik nammineq piumassutsiminnik suleqataasartut katillutik 1.300 – 1.600-uusut.

Killormulli aalaakkasuunngikkaluartumik ikiuukkumasartut kisitsisaat amerlaqaat, tassa eqqarsaatigalugit unamnisitsinernik, katersuiniarnernik allatullu immikkuullarisunik aaqqissuussinerni ikiuuttartut.

Kiisalu inersimasut ilarpassui, nalinginnaasumik nammineq piumassutsiminnik ikiuuttartuunngikkaluartut peqatigiiffinnit aperineqarunik ikiuukkususinnaallutik nalunaarput. Eqimattami tassani inersimasut 29%-ii inissisimapput.

Kalaallit Nunaanni inersimasut akornanni timersornernut atatillugu nammineq piumassutsiminnik suleqataasartut

Aalaakkaasumik timersoqatigiit peqatigiiffiini ikiuuttartuusut 4% (sungiusaasut aamma/imall. leder-it)




Namineq piumassutsiminnik akulusimasartut tungaannut sammisuni unamminartortasut

Timersoqatigiit peqatigiiffiinut unammionartut anginer-saannut ilaavoq namineq piumassutsimik sulisussar-siortarneq. Tamatuma qanoq ajornartigineraa assigiinngit-sorpasuarnik assersuusiunneqartarpoq. Qujanartumilli aamma peqatigiiffiit ilaat tassani ajunngitsunik misilittagaqartarput.

Tamakkiisumik isigalugu Kalaallit Nunaanni timersoqati-giit peqatigiiffiisa akornanni aalaakkaasumik immineq piumassutsiminnik sulisoqarneq annertusiartulaartutut isikkoqarpoq:

- Peqatigiiffiit misissuiffigineqartut akornani 37 %-it ukiut kingulliit iluini namineq piumassutsiminnik aallaaveqartumik ikiortaamerleriarsimapput.
- Peqatigiiffiit misissuiffigineqartut akornanni 43 %-iusut iluini pissutsit taamaaginnarput.

Sunaana ajornartorsiutaasartoq sunngiffilerisut pissarsiariniartarnerini peqatigiiffissinni?



“Pingaartorujussuuvoq angajoqqaanik suleqateqarluarnissaq aamma lu taakkuninnga pisussani akuutitsarnissaq.”

– taamatut oqarpoq Kangaatsiami peqatigiiffimmi ittuusoq

“Ingerlaavartumik immineq piumassutsiminnik ikiuttartut attaveqarfisarnerat tigummiinnarsinnaanerannut aqutis-saalluarpoq.” – Nuummi peqatigiiffimmi ittuusoq oqarpoq


- Peqatigiiffiit misissuiffigineqartut akornanni 20 %-it ukiut kingulliit tallimat iluini namineq piumassutsi-mik aallaaveqartumik ikiortigisartagaq ikilissimapput.

Taamaakkaluartorli unamminartut minnerulinnngillat peqatigiiffiit aqutissussanik sungiusaasussanillu suleqa-tissarsiortarneranni tigummiinnarniartarnerannilu. Peqatigiiffiit oqariartuutaat malillugit namineq piumassutsimik suliumassuseq apparartorsimavoq aamma-lu suleqataasunut pikkorissaanissamik neqeroorutissaa-leqisoqarluni.

Timersorneq gasujaallisartarnerlu meeqqat 9-niit 16-inut ukiullit akornanni

Meeqqat inuusuttullu pillugit misissuinermi misissuinerup nalaani (marts - april 2015) affangajai timersornermik aallutaqartuupput, kisiannili tamangajammik arlaatigut timersorneq akuttunngitsukkut ukiut kingulliunerusut iluini ingerlattarsimaillugu.

- Nukappiaqqat nivarsiaqqanit amerlanerungaat-siaqisut misissuinerup nalaani timersuutitik sammisartaqartuupput.
- Meeqqat (9-niit 13-inut ukiullit) aammalu inuusuttuaqqat (14-iniit 16-inut ukiullit) akornanni aallutaqarnerit oqimaqaatigiingajapput.




Angajoqqaat sunniuteqarnerujussuat

Angajoqqaat meeqqat timersuutiniq sammisaqarnerannut sunniuteqartorujussuupput. Angajoqqaat namminneg aallussisuutillugit, ilimanarnerujussuuvog meeraasa aamma aallutaqarneq samminerussagaat.

- Meeqqat angajoqqaat timersornermik aallutaqanngitsuneersut akornanni 42 %-it kisimik timersornermik sammisaqartuupput.
- Meeqqat angajoqqaanik tamanik timersornermik aallutaqartuneersut maanna 65 %-ii aamma timersornermik sammisaqartuupput.


- Meeqqat/inuusuttut timersortuunngillat sammisaqartuunatik
- Meeqqat/inuusuttut timersornermik maanna aallutaqartuupput



Meeqqat inuusuttullu akornanni isikkamik arsararneq sammineqarnerpaajuvoq

Meeqqat inuusuttullu akornanni aperineqartut 92 %-ii ukiuni kingulliinerusuni timersuutiniq sammisaqarsimallutik unnerput. Isikkamik arsarneq malunnavissumik aallutani nuannerineqarnerpaajuvoq.

- Isikkamik arsarneq nukappiaqqat akornanni nuannerineqarnerpaajuvoq kisianni aamma nivarsiaqqanit nuannarineqarnerpaajulluni. Nukappiaqqat pingasuugaangata marluk nivarsiaqqallu pingasuugaangaata ataaseq ukiuni kingulliinerusuni isikkamik arsarneq aallunnerusarsimavaat. Futsal aamma nukappiaqqanit nivarsiaqqanillu soqutigineqarluarpoq.
- Pisuttuarneq assammillu arsarneq malunnartumik nukappiaqqanut sanilliullugu nivarsiaqqanit aallunneqarnerupput.



- Nukittorsarnej ingammik nuannarineqarpoq inu-
usuttut 14-iniit 16-inik ukiullit akornanni.
- Timersuutit meeqqanit inuussuttunillu nuannari-
neqarnerpaajusut akornanni amerlasuut illup ilua-
ni sammisassaasuupput. Tassanimi meeqqat sam-
misaqartut pingasuugaangata marluk timersortar-
fissuarni ingerlatanik sammisaqartuussarmata.

Amerlanerit kisimiillutik sammisaqartuupput

Meeqqat timersornermik sammisaqartut akornanni amerlanerpaat namminneq kisimiiffisaminnik sammisaqartuupput. Tassa imaappoq: namminneq sammisassaminnik aaqqissuussisarput kisimik ingerlatsillutik ilaannili ikinngutitik peqatigalugit, tamanna periarfissaagaangat, ingerlataqartarlutik, soorlu assersuutigalugu atuarfimmiit angerlaler-
nerminni arsaateqatigalugit arpaqatigalugilluunniit. Meeqqat inuusuttullu akornanni aamma timersoqati-
giit peqatigiiffii timigissartarfii illu killeqarnerusumik soqutigineqarput.

- Meeqqat inuusuttullu timersornermik inger-
lataqartut akornanni affangajaasut timer-
soqatigiit peqatigiiffiini ingerlatsisuupput
– taakkunani nukappiaqqat niuarsiaqqanit
amerlanerungaatsiarlutik.
- Pineqartut tallimaagaangata ataaseq ingerlatsi-
vinni privatini sammisaqartarpoq – tassani inu-
usuttut minnernit amerlanerungaatsiaqalutik.




Meeqqat peqatigiiffinni iilaasor- taasut timersoqatigiit peqatigiiffii peqataaffigisatik nuannarisarpaat

- Meeqqat inuusuttullu timersoqatigiit peqatigiif-
fiiniittut 86 pct.-ii peqatigiiffimmeeqatiminnik
ikinnguteqarluartarput.
- Meeqqat inuusuttullu timersoqatigiit peqatigiif-
fiiniittut 78 pct.-ii isumaqarput sungiusaasutik pik-
korissuusut. Meeqqallu sisamaagaangata ataaseq
isumaqartarpoq sungiusaasup pikkorinnersat
kisiisa sammivallaartarai, kisiannili ikittuarann-
guit sungiusaasoq pequtigalugu peqatigiiffimmi
iilaasortaajunnaartarput.
- Meeqqat inuusuttullu timersoqatigiit peqatigiiffiiniit-
tut 57 pct.-ii peqatigiiffiminni timersuutininik assigi-
inngitsunik sammisaqarusuttarput.

Inersimasut (16-it qaangerlugit ukiullit) timersuutit/sungiusaatit sammisartagaat

Timersornerni assigisaanilu peqataasarneq inersimasut akornani meeqqat inuusuttullu sammisaqarnerannit appasinnerujussuuvoq. Maannami inersimasut quliugaangata pingasut taamaallaat aallutaqartarput. Taakkuli akornanni 2/3-ii ukiuni kingulliunerusuni akuttunngitsumik timersornermik assigisaanillu ingerlataqartarsimapput. Nunanut allanut sanilliullugu kisitsisit taaneqartut appasipput.

- Angutit arnallu aallutaqartut oqimaaqatigiipput.
- Timersuutit ingerlataqarneq ukioqqortusiartorneq ilutigalugu appariartorpoq. Ingammik 40-ut sinnerlugit ukioqalersimasut akornanni ukiuni kingullerni timersuutit sammisaqarsimasut ikinnerulersarput.
- Ilinniarsimassuseq timersuutit sammisaqarnermut pingaaruteqartorujussuuvoq. Annikitsuinnarmik ilinniarsimasut akornanni timersuutit sammisaqartut ikittuararsuupput.




Inersimasut silami ingerlataqarnerusarput

Inersimasut akornanni timersuutit nuannarineqarnerit tassaanerupput qasujaallisarneq, timersuutit unammissu-taasartut pivallaarnagit.

- Arnat angutinik amerlanerusut pisuttuartarput, arpattarlutik aammalu fitness-ertarlutik.
- Angutit arnanit amerlanerujussuit isikkamik arstartarput piniartarlutillu.
- Inersimasut timersornermik sammisaqartut akornanni quliugaangata arfineq-pingasut nammineerlutik/ kisimiillutik aalussisarput, taakkulu akornanni pinga-jorarterutaasut kisimik timersoqatigiit peqatigiiffiini ilaasortaasarput.

Timersoqatigiit peqatigiiffiini ilaasortaasartut akor-nanni angutit malunnartumik amerlanerupput fitness-ertarfinniili peqataasartut arnaanerullutik.

- Timersoqatigiit peqatigiiffiini ilaasortaasut avataa-niittunit sungiusakulanerusarput sapaatip akunnera-nut arlaleriarlutik timersorajuttarlutik.



Inassutit

Misissuinerit pingasoqiusaasut tunngavigalugit ataatsimut angusat aallaavigalugit nalunaarusiortut Kalaallit Nunaanni timersornerup ineriartortinnissaanut aqqutaasinnaasunik arlaqartunik inassuteqarput. Inassutit annerusumik GIF-imut timersoqatigiillu peqatigiiffiinut sammitinneqarput, kisiannili aamma annertuumik kommuninut allanullu timersornermut attuumassuteqartunut soqutiginaateqarlutik:

- Sumiiffinni suleqatigiinneq nukittorsarlugu
- Nutaanik eqimattanik saaffissarsiorit
- Peqatigiiffit kisimik timersuutissanik neqeroorteqartuusariaqanngillat
- Nammineq piumassutsimik tunngaveqartumik timersoqatigiit peqatigiiffii siunnerfeqarnerusumik sullillinnissaat
- Sammasaqarfiusinnaasunik nutaanik pilersitsineq – isumaliutigilluagaasumik
- Siunissaq: Ilisimasaniq isumassarsianillu katersuineq paarlagiaatsitsinerlu

Sumiiffinni suleqatigiinneq nukittorsarlugu

Maanna peqatigiiffiit Kalaallit Nunaanni Timersoqatigiit Kattuffianni (GIF-imi) ilaasortaasut neqeroortigisinnaasatik tunngavigalugit ilaasortilersinnaasatik pisarsiareereerpaat. Kattuffiup peqatigiiffillu ilaasortatik amerlisarniarunikkut saaffiginniffiusoq siammarnorujussuusariqarpaat aammalu timersoqatigiit peqatigiiffiisa akornanni annertunerujussuarmik suleqatigiinnissaq tunngavissinniartariaqarlugu, illoqarfinni nunaqarfinnilu ataasiakkaani saaffigineqarsinnaasunut ataatsimoorluni

nutaanut nutaanik neqeroorusiornikkut. Ingammik Kalaallit Nunaanni siammaseqisumik inuqarfiusumi allanullu matoqqakujuttuusumi inuiaqatigiisut ullumikkornit sumiiffinni suleqatigiinneruneq iluaqutigisinnaasorujussuuaat.

Sumiiffinni ataasiakkaani timersoqatigiit peqatigiiffiisa akornanni suleqatigiinneq nukittunerulersikkumallugu, sumiiffinni ataasiakkaani timersoqatigiit peqatigiiffii, specialforbundit Kattuffiillu nutaamik iluseqartumik eqqarsartariaqalerput, Kalaallit Nunaanni timersornermut sunniuteqarsinnaasumik. Taaneqartut tamarmik pikkoriffiginerulertariaqarpaat sumiiffinni ataasiakkaani timersornerup piginnaaneqartitsilersarneranik atuinissaq akunnermilu suleqatigiinnerulertariaqarlutik saaffigisat siammassinnerusunnorsarumallugit.

- GIF-ip sumiiffinni ataasiakkaani suleqatigiinneq ikorfartorsinnaavaa illoqarfinnut sumiiffinnullu allanut aaliangersimasunik siunnersortilersuinikkut. Sumiiffinni ataasiakkaani GIF sinnerlugu siunnersortit taava salliullutik ingerlassapput peqatigiiffinnik isumasiorititsisarlutik taamaattuni sumiiffinni ataasiakkaani unamiugassat periarfissallu oqallisigittarlugit. Taamatut ittumik siunnersortit kommuninut saffiginninnermi oqaaseqartartuutinneqarsinnaapput aammalu aningaasaateqarfinnut qinnuteqaasiornerni aqutsisuusinnaallutik, tamakkumi sumiiffinni ataasiakkaani ingerlatsisunut oqimaappallaarsinnaasarmata.
- Sumiiffinni ataasiakkaani siunnersortilersorneq isumasioqatigiissitsisarnerlu ilisimasaqartitsilersinnaapput, GIF-ip maannatut qanimut ornigulluni angalasarneranut pikkorissaasarneranullu ilapertuutaasinnaasunik akimut pikkorissaassutissanik ilinniartitsissutissanillu sumiiffinni ataasiakkaani nammineq piumassutsimik suleqataasartunut, sungiusaasartunut aqutsisunullu neqeroorteqartarnikkut.



*“Peqatigiiffiit qanoq ingerlanneqarmissaanik pikkorissa-
asoqartariaqarpoq, ineriartussagutta.” – Peqatigiiffimmi
Aarluk-mi aqutsisoq oqarpoq*

- Meerarpassuit inuusuttorpassuillu apeqqutigisarpaat peqatigiiffimmi ataatsimi timersorluni sammisinaasat amerlanerulersinnaannginnersut. Peqatigiiffiit suleqatigiinerulernerisigut ataatsimoorluni siammasinnerusunik neqerooruteqartoqalersinnaavoq, ukioqqortussutsinut assigiinngitsunut, suaiaassuseq tunngavigalugu aammalu timersuutit aallaavigalugit neqeroorutini siammasinnerusunik – pisariaqarunaartillugu assigiinngitsunik sammisaqarusuttuut peqatigiiffinnut allanut nuuttariaqalersinnaasarerat. Taamak iliornikkut meeqqat inuusuttullu amerlanerit

tigummiinnarneqarsinnaalissapput ilaasortaniillu nutaanik pissarsisinnaaneq pitsaannerusumik ammaanneqarsinnaalissalluni.

- Timersoqatigiit peqatigiiffiisa amerlanerit unamiornartittarpaat nammineq piumassutsimik aqutsissatut suleqataarusussinnaasut pissarsiarinissaat. Timersoqatigiit peqatigiiffiisa ataatsimoorussamik siulersuisoqalersinneqarpata, taava pissarsiariniakkat akunnermi unammissutaajunnaassagualarput, aqut-sisutummi sulineq imaannaanngitsuusummat.
- Kalaallit Nunaanni timersornermut tunngasunik ator-sinnaasunik isumassarsiortoqarsinnaavoq Qallunaat Nunaanni DGI aqutugalugu, taassumami ataani timersoqatigiit peqatigiiffii nunap immikkoortuinut aggulugaallutik aqqissuussaapput sumiiffinni ataasiakkaani ingerlalluernerunissaq siunertaralugu. Taamallu iliorneq ilapertuutaalluarpoq Qallunaat Nunaanni Timersoqatigiiffiit Kattuffianni sammivilersugaanerusumik specialforbundit ingerlataqartunut.



Nutaanik eqimattanik saaffissarsiorit

Timersoqatigiit peqatigiiffii malunnartumik meeqqanit inuusuttunillu ingammillu nukappiaqqanit orniginartin-neqartut malunnarpoq. Amerlanerusunik ilaasortaqaale-rumagaanni, innuttaasut akornanni saaffiginiagassat tassaapput taaneqartut avataani ittut, taaneqartummi peqataanerat annertoreemat.

- Natsorsuutigineqarsinnaagaluarpoq nivarsiaqqat nukappiaqqatulli timersoqatigiit peqatigiiffiinut assi-giimmik kajumissaarissasut. Kisianni tamaavinggilaq aammalu imaannangitsuussaaq suliassaq paasinias-sagaanni nivissat peqatigiiffinniingitsut timersorne-rup iluani suut kajungerineraat qulaajarniassagaanni. Imaassinnaavoq peqatigiiffinit sammisassat allat neqeroortigineqartariaqartut (soorlu eqaarsarneq qitinnerlu) imal. allatut sungiusariaatsinik eqqussi-nissaq (ataatsimoorfiunerusunik unamminerlu pival-laarnagu pinnguarnerpalaarnerusunik). Aamma imaas-sinnaavoq pisariaqartinneqarsinnaasoq peqatigiiffiit pioereersut nutaallu pilersinnerini siulersuisuni arnat peqataatinnerunissaat.
- Sumiiffinni ataasiakkaani nuunnikkut nutaatut najuga-qalersut aamma tassaapput saffiginiagassat nutaat. Atuarfimmut allamut nuunnerit qaqutiguunngitsumik meeqqat inuusuttullu timersornermik sammisaqarne-rannut unissutaasarpur, toqqaannartumillu iliuseqar-toqartariaqarpoq tamanna akiorniaraanni. Sumiiffinni ataasiakkaani timersoqatigiit peqatigiiffii peqatigiil-lutik sumiiffimmi pineqartumi periarfissat pillugit nuuttunut neqerooruteqarsinnaapput.
- Inersimasut akornanni timersornermik sammisaqar-nikuunngikkaluartut ilarpassui aallartinnissamut kajungertuupput, kisianni taamaattunut timer-soqatigiit peqatigiiffii immikkut iliuseqarlutik



siammasinnerusunik neqeroorusiornikkut tiguaaniar-tariaqarput. Holditut timersuutini soorlu assersuu-tigalugu immikkut maluginiarneqarsinnaavoq inersimasunut aatsaat aallartikkusulersunut inis-saqartitsinerulluni tikilluaqquserpalaarnerusumillu suliniuteqartoqarsinnaavoq.

- Utoqqasaat 60-it qaangerlugit ukiullit Kalaallit Nunaanni innuttaasut akornanni initusiartuinnartus-saapput. Taamaattumik tamakkununga timersor-titsiniarluni suliniuteqarneq pilersissallugu tunn-gavissaqarluarpoq, soorlu akimut kattussuinikkut, tamatuma kingunerisinnaappagu utoqqaat timersoqa-tigiit peqatigiiffiisa ineriartornissaannik nutaanillu isummersulernissaannik.
- GIF-ip tungaanit ilanngukkusutanut nutaanut nutaa-niik sammisaqartitsinerit tunuliaqusersortariaqarput inerisaanissamut atugassanik immikkoortitsinikkut imal. sumiiffinni sammisaqarusuttunut misiliilluni nutaanik neqeroorusiornikkut.



“Peqqinnissaq ilorrisimaarnissarlu qitiutiillugit iliuseqar-nikkut nutaanik ileqqunik, tamanut inissaqartitsitsisumik, pilersitsisoqarsinnaavoq.” – Ilulissani peqatigiiffimmi inger-latsisut ilaat oqarpoq

Peqatigiiffit kisimik timersuutissanik neqerooruteqartuusariaqanngillat

Namineq piumassutsiminnik ikiuuttartut tunniusimanagerat nukissaqarnerallu aaliangiisuulluinnartarpoq timer-soqatigiit peqatigiiffiissa pisussanik aaqqissukkanillu sunik aallartitsisarnerannut. Taamaattumik pisartut ilaat timersornermut attuumassuteqartunit allanit kivinneqarsinnaappata pitsaasuusaaq.

- GIF inississinnaavoq timersuutininik neqerooruteqartut aammalu inunnik peqatigiiffimmi ilaasortaannikkaluarlutik timersulerusuttunik toqqaannartumik oqaloqatiginissinnaalluni. Tamakku tassaasinnaapput arpattartut, sisorartartut, pisuttuartartut imal allarlunnarmik soqutigisaqartut, imminnut iluaqusersinnaasut GIF-imi toqqaannartumik ilaasortaalernikkut, soorlu assersuutigalugu ingerlaavartumik oqaloqatissaqalernikkut, isumassarsiorfissaqalernikkut, sungi-usarnermi nutaanik periusissarsiorsinnaalernikkut aammalu oqalugiartunut atortussanullu innersuussivigineqarsinnaanerit aqutigalugit.
- Timersoqatigiit peqatigiiffii kisingajammik timersortarfissuarnik atuisuupput ingammik ualikkut sisamat kingornatigut aallutaqartarlutik. Atortutigut periarfissat sumiiffinni ataasiakkaani "inuinnarnut" ammarneqarnerusinnaapput taamalla timersortarfissuit atornerqartarnerat siammarnarullugu. Soorluli tamanna naluneqanngitsoq sisorartunik majuartateqarfinni nalutarfinnilu, timersortarfissuit ingerlanneqarneranni, sulisuusut aammalu periarfissat aaqqissuunnerisigut avammut ammanerusumik ingerlatsisoqarsinnaavoq atuinissamik kaammattuerpalaarnerusumik – aamma atuarfiit aasami matoqqanerani, timersortarfissuit ilaasa aamma matoqqaffigisutut ilersagaanni.

- Timersornermut aningaasat 4 kr.-nit pissarsiarineqaraangata taakkunanga koruunit pingasut kommunit karsianeersuusarput. Taamaattumik kommunit sisamaasut timersornermut sammisunik ingerlatsivii/aqutsisoqarfii Kalaallit Nunaanni timersornerup ineriartorneranut atatillugu toqqaannarnerusumik eqqarsaatigilluagaanerusumillu akuliusimasariaqaraluarput aamma innuttaasunut neqeroorutaasartut iluini. Kommunit sisamat taaneqartut assersuutigalugu tassaagaluarpud eqimattanut immikkuullarinnerusunut naleqqussagaasunik ataavartumillu neqeroorusiortuusartussatut piukkunnarnerpaagaluartut. Tamakkumi timersoqatigiit peqatigiiffiintu aqukkuminaassinnaasarmata. Tassanimi inuussuttut ajornartorsiutilit, atornerluinermik ajornartorsiutilit allallumi assersuutigalugu ulluinnarni inuuneranut pitsaasumiksunniutilimmik immersuiffigalugit iluaquserneqarsinnaagaluarput.



Nammineq piumassutsimik tunngaveqartumik timersoqatigiit peqatigiiffii siunnerfeqarnerusumik sullillinnissaat

Timersoqatigiit peqatigiiffinni aalaakkaanerusumik nammineq piumassutsiminnik suleqataasartut katillutik 1.300 - 1.600-uupput. Taakku ikiuuttarput immikkut it-tunik aaqqissuisoqartilugu unammisitsisoqartilugulu. Saniatigullu inersimasut amerlasuut oqarput ikiuukkusulutik timersoqatigiit peqatigiiffiinit saaffigineqarunik. Taamalli oqarsinnaaneq imaannaanngitsortaqaqpoq namminerlu piumassutsiminnik suleqataasartut tapersornerusariaqarput aammalu suleqataanerminnut atatillugu uummarissaasernerqartariaqarlutik minnerunngitsumik nutaanik ikiuukkusussinnaasunik pissarsiornernut atatillugu.

- Aalaakkaasumik nammineq piumassutsimik aallaaveqartumik ingerlatsisutut sungiusaasutullu sulisartut timersoqatigiit peqatigiiffiini qiteraliupput. Siunertaqarnerusumik saaffigineqartariaqarput imminerlu piumassutsiminnik sulinerat ikorfartorneqarlunilu GIF-imit erseqqinnerusumik akuersaarneqarlunilu nersorneqartariaqarluni. Taamak iliortoqarsinnaavoq soorlu immineq piumassutsiminnik ikiuuttartunut sammisumik akeqanngitsumik naqitanngorlugu atua-gassiamik saqqummersitsisalernikkut soorlu ilaatigut maleruagassat ilaasortanillu nalunaaruteqartarnerit pillugit imaqarsinnaasumik.

- GIF-ip annertunerusumik timersoqatigiit peqatigiiffii nutaat aammalu peqatigiiffiit specialforbund-eqanngitsut oqaluttuussinnaavai Kattuffimmi ilaasortaantetik qanoq iluaqutigisinnaagaat
- Timersoqatigit peqatigiiffiini nivissanik arnanillu ilaasortaqaarnerulernissaq anguneqassappat, taava anguniarneqartariaqarpoq nammineq piumassutsiminnik ikiuuttartut akornanni taakku aamma amerlaneruler-sinnissaat, ilaatigut soorlu maanna arnat peqataasut uummarissaanermi atorluarnerulernerisigut. Ilaatigullu ajornannginnerusarpoq peqatigiiffittut pinngortut nutaat saqitsassallugit pioreersut allanngortinniarneranninngaanniit, taakkumi isumaqarsinnaasarmata arnartaqarpallaanngikkaluarlutik ingerlalluuartuullutik.
- Inuppasuit aalaakkaasuunngitsumik ikiuuttartut naqissuserpaat piffissap ilaannaani ikiuuttarneq atoruminarnerusooq aalaakkasumik suliaqarnis-samit, soorlu aqutsisutut sungiusaasutulluunniit. Eqqaamaneqassaarli aalaakkaasuunngitsumik ikiuuttartut kingusinnerusukku ajornannginnerulersarmata aalaakkaasumik suleqataalersussatut pissarsiarissallugit. Taamaattumik GIF-imit (soorlu assersuutigalugu nutaarsiassaqartitsissusiornikkut) ingerlateqqinneqarsinnaapput siunnersuutit misilittakkallu ilaasortanut arlaatigut pituttuisuunngitsumik namminerlu piumassutsiminnik ikiuuttunut oqimaatsuunngitsunillu suliakkiinermik aaqqissuinikkut.



“Nammineq piumassutsimik aallaaveqartumik ikiuuttarneq immineq takkuttarpoq. Mianersuuttarparput ataasiakkaanut oqimaappallaanik nammatassiinissaq.” – Ilulissani peqatigiiffimmi siuttusoq oqarpoq



“Ilaasortat ataatsimeersuarnitsinnut aggettikkuminaattarput. Taamaattumik taarsiullugu ilaasortanut isumasioqatigiissitsivugut, tassani ilaasortat peqatigiiffiup qanoq ineriartortissinnaaneranut siunnersuuteqartillugit siulersuisunut qinersisitsinertaqanngitsumik. Taamak ilioratta inuit 70-it takkupput siunnersuuterpassuillu pitsaasut qaqqissorneqarput, suliniaqqinnissatsinni atorsinnaasagut.” – Ilulissani peqatigiiffimmi aqutsisuusoq oqarpoq





Saamisaqarfiusinnaasunik nutaanik pilersitsineq – isumaliutigilluagaasunik

Sammissaqarfiusinnaasunik periarfissaqarnermut tunn-gasut timersoqatigiit peqatigiiffiit ernumassutaqisut malunnarpoq. Taamaakkaluartorli siammasissumik isigalugu Kalaallit Nunaat Danmark-imit inuttussutsit tunn-gavigalugit illup iluani sammissaqarnissamut atatillugu atugassatigut ajornerusumik inissisimangilaq.

Kisianni silaannaap pissusaa immikkut unammiugas-saqartitsivoq taamaattumillu sammissaqarfiusinnaasut timersoqatigiit peqatigiiffiit kissaataanni qaffasissumiip-put. Ingammik kissaatigineqarput atortunik toqqorterif-fiusinnaasut klubillu illut katersuuffigisinnaasaat kiisalu

ivigaasamik qallikkamik arsaattarfiit. Aamma meeqqat inuusuttullu arlaqartut silami arsarfiusinnaasunik pitsaanerusunik ujartuipput aammalu Kalaallit Nunaanni sumiiffinni arlaqartuni qulisamik ivigaasanik qallikkanik arsaattarfiit pilersaarutitut pigineqarput.

- Ivigaasanik qallikkanik arsaattarfeqalersuuppat ukioq naallugu maannamit pitsaanerungaartumik arsaartarnissamut periarfissaqalissagaluarpoq, taamallu hal-it allanit atorneqarsinnaanerat pitsaanerusunn-gorlugu ammaassivigineqassagaluarluni. Maannami illup iluani arsarnarit/Futsal-ertarnerillu piffissanik tigusisorujussuusarput. Kisianni taaneqartutut it-tunik pilersitsiniarneq akisuujuvoq taamaammallu isikkamik arsaattartuinnarnut iluaqutissanngorlugit sananeqarsinnaanatik.
- Qulisamik ivigaasanik qallikkanik arsaattarfiit pitsa-asuunissaannut ataani nunap qanoq ittuunera ape-qqutaasorujussuuvoq aammalu titartugaanera qanoq atorneqarsinnaaneranut aaliangiisorujussuulluni, pilersinneqarunillu timersuutitut allanit atorneqar-sinnaanissaat iluatinnaateqarpoq, soorlu assammik arsaartartunit, hockey-rtartunit, tennis-ertartunit, takutitsisartunit allarpassuarnillumi. Taamaattumik pilersaarusionerme ilusilivitsinnani siammasissu-mik eqqarsartoqartariaqarpoq ilaatigut sumiiffinni ataasiakkaani timersortitsinerme aallutaqartuusut isumassamik aallerfigalugit aammalu inaarsaanissami timersorfissanut atatillugu immikkut ilisimasalinnik akuliussisoqartariaqarluni.
- Pilersitassap saniatigut qulisaanera atorluarlugu inis-saqartissallugit iluatinnaateqarput aamma soorlu makku, tasitsaartarfissat, pinnguarfissat skate-ertar-fiusinnaasut, taamak iliorluni sapinngisamik atuisar-tut siammasissut atuisarsinnaanissaat aqqusaarinnit-tarnissaallu qulakkeerumallugu.

Siunissaq: Ilisimasanik isumassarsianillu katersuineq paarlagiaatsitsinerlu

Timersornerup ineriartorteqqinnissaanut aatillugu avaqunneqarsinnaanngilaq, siunissami aamma nutaanik ilisimasassarsiornissaq aammalu timersornermut atatillugu sammisaqartorpassuit assigiinngitsut katersornissaat.

- Apeqqutit ilusilikkat piusut aammalu siusinnerusukkut suleriaasissanik inerisaanissamik suliat piginerisigut suliasat ilarpassui qulaajarneqarneroreerput, GIF-ip tungaanit siunissami misissuineq tamakkiisumik ilaannakuusumillunniit uteqqikkumaneqalissagaluarpat. Ukiut arlaqartut qaangiukkaangata sanilliusorneqarsinnaasunik misissuisaraanni, pineqartup iluani

ineriartornerup qanoq ingerlaneranik tikkuussissutininaleqarluartunik paasisaqartoqarsinnaavoq.

- GIF aallartitsisuusinnaavoq timersornermut tunngasunik suliaqartut siammassissumik aallaaveqartumik katersorniarnissaanut soorlu makku Kattuffimmit peqatigiiffinniillu aallartitat, timersornermik aallutaqartut allat soorlu timigissartarfinni aammalu pisussanik aaqqissuisartut, kommunini siunnersortit, aningaasaateqarfiit, ilinniartitsinermik ingerlatsisartut aammalu avataanit immikkut ilisimasallit. Uteqqiasumik Kalaallit Nunaanni timersorneq, taassumalu ataani unammiugassat kivitsiniarnermilu periarfissat pillugit ataatsimeersuartitsisarnikkut suleqatigiissutigineqarsinnaasut nutaat pilersinneqarsinnaapput siunissamilu timersornermut tunngavissat naleralersorneqarsinnaallutik.





KALAALLIT NUNAANNI TIMERSORNEQ

Kalaallit Nunaanni timersornermik misissuinermi
pingaarnersiukkat inassuteqaataasullu

Idrættens Analyseinstitut-imit Kalaallit Nunaanni Timersoqatigiit Kattuffiat sullillugu suliarineqartut

